

佛說十地經

大唐正元新譯十地等經記

時

新譯十地經及迴向輪經十力經等

者即上都章敬寺沙門悟空本名法
界因使罰賓於中天竺國之所得也
師本京兆雲陽人也鄉號青龍里名
鄉義俗姓車氏字曰奉朝後魏拓拔
之胤裔也天假聰敏志尚典墳孝悌

居家忠正奉國遇

玄宗至道大聖大明孝皇帝孝理天
下萬國歡心八表稱臣四夷飲化時
蜀賓國願附聖唐使大首領薩波達
幹與本國三藏舍利越魔天寶九載
庚寅之歲來詣

闕庭獻款求和請使巡按次於明年

辛卯之祀

玄宗皇帝勅中使內侍省內寺伯賜
緋魚袋張韜光將國信物行官奏僉
四十餘人蒙恩授奉朝左衛涇州四

門府別將負外置同正負令隨使臣

取安西路次疎勒國次度葱山至揚

興嶺及播蜜川五赤匿國亦云次護蜜

國次拘緯國次葛藍國次藍婆國次

薛和國次烏仗那國

亦云烏長及烏纏國

茫識

平聲呼
虛迦反

勃國及高頭城次摩但國次信度城

近信度河地亦云
信箇或云辛頭城

至十二載癸巳二月二

十一日至軋陀羅國

梵音正曰健馱邏國

此即蜀

賓東都城也王者冬居此地夏處蜀

賓隨其暄涼以順其性時王極垂禮

接祇奉國恩使還對辭并得信物

獻欵進奉旋歸

大唐奉朝當為重患纏綿不堪勝
致留寄健馱邏國中使歸朝後漸
痊平誓心歸佛遂投舍利越魔三藏
落髮披緇願早還鄉對見

明主侍觀父母忠孝兩全時蒙三藏賜
與法號梵云達摩馱都唐言以翻名為
法界時年二十有七方得出家即當
肅宗文明武德大聖大宣孝皇帝至

德二載丁酉歲也洎二十九於迦溼

彌羅國進受近圓請文殊矢涅地地移反平

聲呼唐言為鄔波軌邪唐言親教師鄔不安西云和上

犀提唐言近忍為羯磨阿遮利邪唐言軌軌師若至四

鎮安西云阿馱哩魏魏屈反地平聲同上

為教授阿遮利邪同上三師七證授以

律儀於蒙鞞寺諷聲聞戒諷畢聽習

根本律儀然於北天竺國皆薩婆多

學也

唐言根本說一切有

然此蒙鞞寺者北天竺王

名王踐位後建茲寺矣梵云蒙鞞微賀

羅微賀羅者唐言住處住處即寺也次

有阿彌陀婆挽

挽煩反平聲呼

寺次有阿難儀

寺次有繼者峯寺次有惱也羅寺次

有惹惹

而者反

寺次有將軍寺次有也里

特勤寺突厥王子置也次有可敦寺突

厥皇后置也此國伽藍三百餘所靈塔
瑞像其數頗多或阿育王及五百阿
羅漢之所建立也如是巡禮兼習梵
語經遊四年夙夜虔心未曾暫捨其
國四周山爲外郭總開三路以設關
防東接吐蕃北通勃律西門一路通
軻陀羅別有一途常時禁斷天軍行
幸方得暫開法界至於第四年後出

迦溼蜜羅國入軋陀羅城於如羅灑
王寺中安置其寺王所建立從王為
名王即上古蜀膩吒王之胄胤也次
有可忽哩寺王子名也續芝寺王女
名也復有旃檀忽哩寺王弟名也此
皆隨人建立從彼受名次有特勤灑
寺寔厥王子造也可敦寺寔厥皇后
造也復有阿瑟吒寺薩緊忽哩寺蜀

臧毛王聖塔寺。蜀臧毛王演提灑寺。
此寺有釋迦如來頂骨舍利。復有蜀
臧毛王伐龍宮沙彌寺。如是巡禮。又
經二年。即當

代宗睿文孝武皇帝廣德二年甲辰
歲也。從此南遊中天竺國。親觀八塔。
往迦毗羅伐窣覩城。佛降生處。塔次

摩揭提國菩提道場成佛處塔於菩
提寺坐夏安居次波羅宛斯城仙人
鹿野苑中轉法輪處塔次鷲峯山說
法華等經處塔次廣嚴城現不思議
處塔次泥縛鞞多城從天降下三道
寶階塔亦云寶橋次室羅伐城逝多林給
孤獨園說摩訶般若波羅蜜多度諸
外道處塔次拘尸那城娑羅雙林現

入涅槃處塔如是八塔右遶供養瞻禮

略周次於那爛陀寺中住經三載又

至烏仗那國尋禮聖蹤住苾芻乎聲呼
虎伽反

勃寺復有蘇訶拔提寺唐言日
宮寺鉢苾芻拔

提寺唐言蓮
華寺如是往來徧尋聖跡與大

唐西域記說無少差殊思戀

聖朝本生父母內外戚屬焚灼其心

念鞠育恩深昊天罔極發願歸

大正元新譯十地經等記

國瞻覲君親稽首諮詢越魔三藏三
藏初聞至意不許法界以理懇請于
再于三三藏已於天寶九年曾至唐
國日常讚慕摩訶支那旣見懇誠方
遂所請乃手授梵本十地經及迴向
輪經并十力經共同一夾并大聖釋
迦牟尼佛一牙舍利皆頂戴殷懃悲

淚而授將爲信物奉獻 聖皇伏願
漢地傳揚廣利羣品法界頂跪拜受
悲淚禮辭當欲沉海而歸又慮滄波
險阻乃却取北路還歸

帝鄉 我聖神文武皇帝聖德遠被
聲震五天道邁義軒威加八表慕仰
三寶信重一乘異域輸金重譯來貢
法界所將舍利及梵本經自彼中天

來至漢界凡所經歷觀貨羅國五十
七蕃中有一城號骨咄國城東不遠
有一小海其水極深當持牙經南岸
而過時彼龍神知有舍利地水搖動
玄雲拏興霹靂震雷雹雨驟墮有一
大樹不遠海邊時與衆商投於樹下
枝葉摧落空心火然時首領商晉告
衆曰誰將舍利異寶殊珍不尔龍神

何斯物怒有即持出投入海中無令
衆人受茲惶怖法界是時懇心祈願
放達本國利濟邦家所獲福因用資
龍力從日出後洎于申時祈祝至誠
雲收雨霽僅全草命漸次前行至拘
蜜支國王名頻散灑次惹瑟知國王
名黑末梅次至式匿國如是行李經

歷三年備涉艱難捐驅委命誓心報

國願奉 君親聖慈曲臨漸屆踈勒

一名沙勒時王裴冷冷鎮守使魯陽留住五

月次至于闐

亦云于遁或云豁丹

梵云瞿薩怛那

唐言地乳國也

王尉遲曜鎮守使鄭據延住六

月次威戎城亦名鉢浣國正曰怖汗

國鎮守使蘇岑次據瑟得城使賈詮

次至安西四鎮節度使開府儀同三司

檢校右散騎常侍安西副大都護兼

御史大夫郭昕龜茲國王白環

亦云立慈

正

曰屈支城西門外有蓮華寺有三藏

沙門名勿提犀魚

唐言蓮華精進

至誠祈請譯

出十力經可三紙許以成一卷三藏

語通四鎮梵漢兼明此十力經佛在

舍衛國說安西境內有前踐山前踐

寺復有邪婆瑟鷄山此山有水滴雷

十地經卷第一

第七

時

成音每歲一時採以為曲故有邪婆
瑟鷄寺東西拓厥寺阿遮哩貳寺於
此城住一年有餘次至焉耆國王龍
如林鎮守使揚日祐延留三月從此
又發至北庭州本道節度使御史大
夫楊襲古與龍興寺僧請于闐國三
藏沙門尸羅達摩

唐言戒法

譯十地經三

藏讀梵文并譯語沙門大震筆受沙
門法超潤文沙門善信證義沙門法
界證梵文并譯語迴向輪經翻譯往
此翻經既畢繕寫欲終時逢

聖朝四鎮北庭宣慰使中使段明秀
來至北庭洎正元五年己巳之歲九
月十三日與本道奏事官節度押衙
牛昕安西道奏事官程鏐等隨使入

朝當為沙河不通取迴鶻路又為單
于不信佛法所齎梵夾不敢持來留
在北庭龍興寺藏所譯漢本隨使入
都六年二月來到上京有 勅令於
躍龍門使院安置中使段明秀遂將
釋迦真身一牙舍利及所譯經進奉
入內 天恩宜付左神策軍令寫此
經本與佛牙舍利一時進來時左街

功德使竇文場准

勅裝寫進奉

闕庭兼奏從安西來無名僧悟空年
六十舊名法界俗姓車名奉朝請住
章敬寺其年二月二十五日奉

勅宜與正度餘依又奉道節度奏事

官以俗姓車奉朝名銜奏至五月十
五日授壯武將軍守左金吾衛大將

軍負外置同正負兼試太常卿爰有
制曰勅伊西北庭節度奏事官節度
押衙同節度副使雲麾將軍守左金
吾衛大將軍負外置同正負牛昕等
並越自流沙涉于陰國奉三軍向化
之慕申萬里懸關之誠雨雪載霏行
邁無已方貢善達復命言旋舉范莖
入計之勞慰班超遠護之思俾外崇

袂以勸使臣可依前件是歲也

天恩正名冠冕兼履昔名法界今字
悟空捧戴慙惶不任感懼乃歸章敬
次反鄉園訪問二親墳樹已拱兄弟
子姪家無一人踈遠諸房少得聞見
凡所來往經四十年辛卯西征于今
庚午悲不奉養喜遇明時所進牙
纒願資

大正元新譯十地經等記

聖壽其所進十地經依常途寫一百
二十一紙成部勒爲九卷此經佛初
成正覺已經二七日住他化自在天
宮摩尼寶藏殿說迴向輪經佛在金
剛摩尼寶山峯中與大菩薩說譯成
三紙半以爲一卷其十力經如前所
說譯成三紙復爲一卷三部都計一

百二十九紙總十一卷同爲一帙然
爲斯經未入目錄伏恐年月深遠人
疑僞經今請編入

大唐正元續開元釋教錄伏以一辭
聖唐于今

四代凌霜冒雪經四十年尋禮聖蹤
所經國邑或一瞻禮或漸旬時或經
累旬或盈數月或住一歲二三年

或遇吉祥或遭劫賊安樂時少憂惱
處多不能宣心一一縷說幸逢

明聖略舉大綱伏乞施行流傳永代
沙門圓照自惟疵賤索無藝能喜遇
明時再登翻譯續修圖紀讚述真乘
并修

大唐正元續開元釋教錄悟空大德
具述行由託余記之以附圖錄聊以

驗其事也久積歲年詰問根源恭承
口訣詞踈意拙編其次云大雅碩才
願詳其志也

佛說十地經卷第

菩薩極喜地第一

如是我聞一時薄伽梵成道未久第

大唐國僧濤從中印度持梵本請于闐藏所羅達摩訶龍王寺譯

二七日住於佗化自在天中自在天
王宮摩尼寶藏殿與大菩薩無量衆
俱其諸菩薩悉從異異佛刹來集皆
於無上正等菩提得不退轉一生所
繫當證正覺所謂已得安住一切菩
薩智所行境皆能趣入一切如來智
所行處無有休息善能示現種種神
通諸所作事應時無滯成熟調伏一

切有情利樂佗事皆不虛棄引發一
切菩薩願劫世刹土量等修行暫無
休息一切菩薩福智資糧善備無盡
令諸世間共所受用已到一切菩薩
智慧方便彼岸示入生死及涅槃門
而不廢捨修菩薩行善能遊戲解了
趣入一切菩薩靜慮解脫等持等至
神通明智於是一切諸所作事皆得

善巧由獲一切菩薩神通威力自在
以無功用隨心剎那悉能往詣一切
如來道場衆會而爲上首請佛說法
受持一切如來法輪廣能供養承事
諸佛常勤修習一切菩薩所行事業
其身普現一切世間言音無礙清徹
法界心智無滯普見三世一切境界

一切菩薩所有祕藏功德正行悉已
圓滿設加無量不可說劫讚其功德
亦不能盡其名曰金剛藏菩薩寶藏
菩薩蓮華藏菩薩德藏菩薩蓮華德
藏菩薩日藏菩薩曜藏菩薩地藏菩
薩無垢月藏菩薩示現一切莊嚴光
明藏菩薩智慧普照明藏菩薩梅
檀德藏菩薩妙吉祥藏菩薩華德

藏菩薩拘蘇摩德藏菩薩優鉢羅德
藏菩薩天德藏菩薩福德藏菩薩無
礙淨智藏菩薩功德勝藏菩薩那羅
延德藏菩薩無垢藏菩薩離垢藏菩
薩種種辯才莊嚴藏菩薩大光明網
照藏菩薩離垢威德光明王藏菩薩
無礙妙音美響藏菩薩總持功德能
度一切有情願藏菩薩大海莊嚴藏

菩薩蘇迷盧德藏菩薩示現一切功
德清淨藏菩薩如來德藏菩薩佛德
藏菩薩淳金微妙大威德王光明藏
菩薩一切相莊嚴淨藏菩薩金剛燄
鬘萬字相莊嚴藏菩薩星宿王光照
藏菩薩虛空庫無礙智藏菩薩解脫
月菩薩如是等菩薩摩訶薩無量無

數不可思議不可量不可稱無邊無
際無有分濟不可說不可說皆從異
異佛刹來集金剛藏菩薩而爲上首
今時金剛藏菩薩承佛神力入於菩
薩妙三摩地名大乘光明入此定已
即時十方各過十俱胝佛刹微塵數
世界之外各有十俱胝佛刹微塵數
諸佛如來同名金剛藏皆現其面俱

作是言善哉善哉佛子汝今乃能入
是大乘光明菩薩等持然善男子今
彼十方各十俱胝佛剎微塵數諸佛
如來共加持汝以此世尊毗盧遮那
本願威神力所持故爲一切菩薩趣
入能顯不可思議佛法光明諸智地
中爲令攝受一切善根爲擇一切佛
法善巧爲廣知法爲正演說善成立

法為無分別智得清淨為一切魔法
不染為出世法善根得淨為證不思
議智所行境乃至為證佛智境界又
為一切菩薩十地發趣及得為如實
說諸菩薩地安立善巧為正緣慮諸
佛妙法為修無漏法之差別為善選
擇決定大慧光明善巧為趣入於決

定智門爲獲顯示如所應處無畏辯
說爲證廣大無礙解地爲菩提心念
不遺失爲善成熟諸有情界爲一切
處通達決定選擇辯才然善男子汝
當辯說此法差別善巧法門所謂由
承諸佛威神力故已諸如來智慧光
明所加持故已善圓淨自善根故已
善瑩飾真法界故已普攝益諸有情

故已證法身智所依故已從諸佛受
灌頂故已現超過一切世間最大身
故已越一切世間趣故已淨出世正
法趣故已能圓滿一切智智故
今時十方彼諸如來與金剛藏菩薩
薩埵無映奪身與無量礙演說辯才
與入微妙清淨智辯與無忘失念所
加持與善決定慧之善巧與不棄捨

周徧行智與正等覺力無有能摧伏
與如來無所畏令無怯弱與以一切
智智所攝大無礙解辯法理趣決定
安立賜與引發一切如來善分別身
語意莊嚴所以者何由此菩薩獲彼
大乘光明等持法尔如故以本誓願
所引發故善淨增上妙意樂故已善

瑩飾淨智輪故已善積集諸資糧故
已善鍊治所作事故以無量念而爲
器故明朗勝解得清淨故善達無雜
總持門故法界智印之所印故
尔時十方彼佛世尊不起于座以神
通力各伸右手摩金剛藏大菩薩頂
時金剛藏菩提薩埵蒙彼十方佛摩
頂已即從定起普告一切菩薩衆言

唯諸佛子是菩薩願決定無雜不可
照了廣大法界盡虛空性窮未來際
能救一切諸有情類唯諸佛子菩薩
安處於此願中方能入於過去諸佛
世尊智地乃能入於未來諸佛世尊
智地亦能入於現在諸佛世尊智地
唯諸佛子一切菩薩有十智地是以
過去未來現在諸佛已說當說今說

由此密意我作是言何等爲十一名
極喜地二名離垢三名發光四名焰
慧五名難勝六名現前七名遠行八
名不動九名善慧十名法雲唯諸佛
子此名一切菩薩十地是以過去未
來現在諸佛已說當說今說唯諸佛
子我不見有諸佛國界彼中如來不

歎說此菩薩十地者所以者何是諸
菩薩增上勝妙能淨一切諸菩薩道
法門光明謂即十地安立解釋唯諸
佛子當知此處不可思議謂於諸地
安立法中自所證智

今時金剛藏菩薩標斯十地名已默
然而住不復分別而解釋之是時一
切諸菩薩衆聞說菩薩十地名已不

聞解釋咸生渴仰作如是念何因何
緣是金剛藏菩提薩埵唯說菩薩十
地名已默然而住更不解釋尔時於
此菩薩衆中有一菩薩名解脫月知
諸大衆心之所念即以頌問金剛藏
菩薩曰

何故淨覺者 念智功德具 標諸上妙地
自在不解釋 一切咸決定 菩薩大名稱

何故說地名

而不演其義

一切諸佛子

無畏皆樂聞

願為正分別

說諸地義趣

衆會悉清淨

離懈怠嚴整

鮮潔住堅實

具足功德智

相視咸恭敬

一切悉專仰

唯望法甘露

如蜂念淨蜜

大智無畏者

金剛藏聞是

欲令大衆悅

以頌訓佛子

雖作最勝甚希有

此能顯示菩薩行

辯地能作最微妙

由此佛地有修證

微細難見離分別

遠離心地難證悟

智者境界純無漏

世間聞者悉迷惑

安心不動如金剛

信解佛智最殊勝

了知無我唯心地

此能聞斯微細智

如以衆彩畫虛空

如風依於鳥路行

無漏佛智亦如是

雖爲分別而難見

故今吾興如是智

世間難有知此者

及能信此最勝法 是故不任廣解釋
尔時解脫月菩薩聞是說已白金剛
藏菩薩言佛子今此衆會皆悉清淨
其諸菩薩善淨意樂善潔思念善脩
諸行已善承事無量百千俱胝諸佛
善集資糧成就無量種種功德永離
疑惑無諸垢躋善住增上意樂勝解
於佛法中不隨佗教善哉佛子演說

此義是諸菩薩於如是處現證而住
今時解脫月菩薩欲重宣此義而說
頌曰

願說最安隱 菩薩無上行 分別於諸地

智淨成正覺 此衆無諸疊 志解悉明潔

承事無量佛 能知此地義

時金剛藏菩薩言佛子雖此衆會皆

悉清淨其諸菩薩善淨意樂善潔思
念善脩諸行已善承事無量百千俱
胝諸佛善集資糧成就無量種種功
德永離疑惑無諸垢豐善住增上意
樂勝解於佛法中不隨佗教然有其
餘劣解有情聞此甚深難思議處忽
生疑惑是彼長夜能引無義無利衆
苦我愍此等故樂默然尔時金剛藏

菩薩欲重宣此義而說頌曰

雖此衆淨廣智慧甚深明利能決擇
其心不動如山王不可傾覆猶大海
有行未久解未得隨識而行不隨智
聞此生疑墮惡道我愍是等故不說
今時解脫月菩薩復白金剛藏菩薩
言善哉佛子願說勿疑由佛神力佛
所護念此如是等不思議處皆得可

十地經卷第一

第六

時

信所以者何唯佛子說此十地解釋
之時法亦如是謂一切佛皆悉護念
一切菩薩爲欲衛護此智地故皆發
勇悍所以者何此是菩薩最初正行
亦是一切佛法修證唯佛子譬如一
切書字數說字母爲始字母爲終無
有少分書字數說離字母者佛子一

切佛法亦復如是。以地爲始發修行
故。以地爲終證佛智。故是故佛子。願
爲演說。諸佛應供。正徧等覺。加持護
念。尔時解脫月菩薩欲重宣此義而
說頌言。

善哉佛子。願演說趣入菩提諸地行。
十方一切自在尊。無不護念智根本。
此正行。始此智終。一切佛法從此起。

如諸書等字母攝 佛法依地亦如是
今時此諸大菩薩衆亦為此義一時
同聲而以頌請金剛藏菩薩曰

上妙無垢智

善說無邊辯

宣揚美妙言

勝義相應理

念持清淨慧

為十力意樂

無礙解決擇

說殊勝十地

此衆離憍慢

及見疑雜染

戒定審悅意

惟願聞善說

如渴思冷水

如飢念美食

如病憶良藥

如衆蜂嗜蜜 此衆亦如是 願聞甘露法
善哉清淨智 說無垢地位 顯十力相應
無礙善逝道

今時世尊釋迦牟尼從白毫相放無
數光名照菩薩力無數光明以爲眷
屬其光普照十方世界靡不周徧諸
惡趣苦皆令休息映蔽一切諸魔宮

殿悉照無量諸佛衆會顯示諸佛不
可思議境界行相威力遊戲照於十
方諸世界中及於一切諸佛衆會以
佛神力所加說法菩薩身已於上空
中成大光雲網臺而住彼諸世尊亦
復如是從白毫相放無數光無數光
明以爲眷屬其光普照十方世界靡
不周徧諸惡趣苦皆令休息映蔽一

切諸魔宮殿悉照無量諸佛衆會顯
示諸佛不可思議境界行相威力遊
戲照於十方諸世界中及於一切諸
佛衆會以佛神力所加說法菩薩之
身顯不思議諸佛遊戲并照世尊釋
迦牟尼大會之衆及金剛藏菩薩身
已於上空中亦復成就大光明雲網
臺而住由是世尊釋迦牟尼從白毫

相所流光明彼彼世界彼佛衆會及
彼菩薩身與法座皆現了然於此得
見由彼無量佛刹土中諸佛世尊從
白毫相所流光明此之三千大千世界
及此世尊釋迦牟尼大會之衆并金剛
藏菩提薩埵身及法座皆現了然於
彼得見尔時從此光雲網臺出是頌曰

佛無等等如虛空
十力自在無邊衆
於釋師子妙法中
天人最上令加汝
佛子當承佛神力
開此法王妙法藏
顯示微妙廣大行
分別建立諸智地
若有聞此勝法門
亦蒙善逝所加護
十方一切諸菩薩
悉皆攝持及護念
當能修集諸正行
次第成滿無垢地
能證十力等功德
契悟無上正等覺

雖住海水劫火中

無疑堪聞此法門

其有疑惑不信者

永復不聞如是義

當說最勝地智道

證入安住及昇進

修行境界如次說

利樂一切有情故

今時金剛藏菩薩觀察十方欲令大

衆增淨信故而說頌曰

微細難知大仙道

不可分別離分別

難證無濁慧者境

性常寂靜無生滅

十地經卷第一

第五

時

性空能寂無二盡
無邊中緣無所證
寂靜寂滅佛所證
此地及行亦如是
遠離思惟及心道
非蘊界處所顯了
譬如空中諸鳥跡

離趣平等至涅槃
出過三世等虛空
以諸言趣難宣說
說猶甚難何況聽
此智所引牟尼境
非心所測意所思
智者正宣難可示

諸佛子地亦如是

說尚極難何況聽

今當但說此一分

由大慈悲及願力

如其漸次非心境

以智能滿如意樂

如是此境極難見

正說唯住自意樂

然承佛力我今說

汝等一心恭敬聽

如是智門及正行

億劫宣說猶難盡

我唯略說汝等聽

真實法義盡如理

仁者專心恭敬待

我承佛力當善說

宣揚微妙正法音

譬喻相應協倫字

此以言詞難顯了

而蒙無量佛神力

光形聚入於我身

由是我今能演說

唯諸佛子若有有情善積善根善集

資糧善修諸行善事諸佛善聚白法

善友所攝善淨意樂隨順廣大增上

意樂具妙勝解悲愍現前爲求佛智

爲欲證悟十力之力爲獲如來大無

所畏爲得平等佛不共法爲欲救拔
一切世間爲淨大悲愍爲悟十方無
所餘智爲以無礙淨諸佛剎爲一剎
那能知三世爲無所畏轉大法輪發
如是心菩薩發心大悲爲先導慧智
增上方便善巧之所攝受意樂及與
增上意樂常所輔持佛力無量以堅

持力及以智力善擇決定無礙智現
前隨順無師自然妙智能受一切佛
法慧智教授誨示極於法界盡虛空
性窮未來際始發此心即是菩薩超
異生地證入菩薩正性離生生如來
家種族尊貴無可譏嫌已離世趣入
出世道住於菩薩本法性中已善安
住於菩薩處隨順三世平等之法紹

如來種決定趣向正等菩提唯諸佛
子菩薩住於如是等法名已善住極
喜地中以不動故

唯諸佛子菩薩住於極喜地時極多
歡喜多淨信多愛樂多適悅多忻慶
多踊躍多勇悍多無鬭諍多無惱害
多無瞋恨唯諸佛子菩薩住於極喜
地中念諸佛時發生極喜念佛法時

念菩薩時念菩薩行時念到彼岸清
淨之時念諸菩薩地殊勝時念餘菩
薩不映奪時念佛教授教誡之時念
令有情得利益時念當趣入一切如
來智加行時皆生歡喜又此菩薩了
知我今轉離一切世間境界親近諸
佛遠異生地近至智地永斷一切墮

險惡趣與諸有情爲依止處近見諸
佛生佛境界入諸菩薩平等性中捨
離一切怖畏毛豎故生極喜所以者
何唯諸佛子菩薩纔證極喜地已所
有怖畏謂不活畏惡名畏死畏惡趣
畏處衆怯畏悉皆遠離所以者何由
是菩薩離我想故尚無我愛況復生
於諸資具愛由是因緣無不活畏由

於他所無所希望唯自起欲我應給
施一切有情諸資生具由是因緣無
惡名畏由離我見於我無有失壞之
想故無死畏自知死後於當來世定
定不離諸佛菩薩由是因緣無惡趣
畏由意樂見一切世間尚無有一與
我齊等何況殊勝是故無有處衆快
畏唯諸佛子菩薩如是已離怖畏惱

傲毛豎以大悲愍而爲先導以無僧
背無俗意樂爲欲修證一切善根勤
修加行以信增上以多證淨以潔勝
解以多信解以引發悲愍以具足大
慈以無厭倦心以慙愧莊嚴以常忍
辱柔和相應以深敬順信重尊貴如
來聖教以無厭足日夜積集一切善

根以奉事善友以樂於法苑以無厭
足訪求多聞以所聞法如理觀察以
無依著心以不耽嗜名利恭敬以不
希戀資生之具以無厭足引平等心
猶若寶珠以專希求一切智地以緣
如來力無所畏不共佛法以求無著
波羅蜜多以離諂誑以如說行以常
護實語以不汙佛家而勸於佗以不

捨離諸菩薩學以不傾動薩婆若心
如大山王以不離諸世間事而能成
就出世間道以無厭修覺分資糧以
常希求後後勝法唯諸佛子以如是
等諸淨地法相應菩薩名住安住極
喜地中

復次菩薩住於極喜地時引發如是
諸大誓願諸大勇決諸大出離爲以

無餘供養之具及以周備承事品類
普徧供養一切如來一切行相勝妙
成就而以最上勝解清淨廣大法界
盡虛空性窮未來際一切劫數佛出
世數無有休息爲大供事發初大願
爲欲受持一切如來所說法眼爲欲
攝受諸佛菩提爲護一切正等覺教

廣大法界盡虛空性窮未來際一切
劫數無有休息爲攝受妙法發第二
大願爲一切佛出現於世無餘一切
諸世界中住觀史多天宮爲首降下
入胎住胎生長出家成道受梵王請
轉大法輪示大涅槃爲悉往詣供養
受法加行爲先爲一切處同時而轉
廣大法界盡虛空性窮未來際一切

劫數佛出世數無有休息爲悉往詣
發第三大願爲欲引發諸菩薩行廣
大無量及無分別波羅蜜多之所攝
受淨治諸地總相別相同相異相成
相壞相諸菩薩行如實無倒顯示菩
薩智地之道悉能瑩飾諸到彼岸授
與教授教誡所持資助發心廣大法
界盡虛空性窮未來際一切劫數及

正行數無有休息爲是引發

第四大願爲欲成熟無餘一切諸有情界有色無色有想無想非有想非無想卵生胎生濕生化生三界所繫入於六趣繫屬一切受生之趣名色所攝爲令趣入於佛法中爲令永斷一切趣數爲令安處一切智智廣大

法界盡虛空性窮未來際一切劫數
有情界數無有休息爲欲成熟諸有
情界發第五大願爲欲無餘一切世
界廣大無量麤細亂住覆住仰住帝
網差別入於十方種種異相皆以隨
行現前知見廣大法界盡虛空性窮
未來際一切劫數及世界數無有休
息爲欲往趣發第六大願爲令一切

諸佛刹土復一刹土入於一切諸佛
刹土普皆清淨無量佛刹光明嚴具
以爲莊飾離諸煩惱成清淨道無量
智性有情充滿普入廣大諸佛境界
隨諸有情意樂示現皆令歡喜廣大
法界盡虛空性窮未來際一切劫數
及佛刹數無有休息爲淨一切諸佛
刹土發第十大願爲與一切菩薩同

一意樂加行為無怨敵積集善根爲
一所緣與諸菩薩得平等性爲常逢
遇諸佛菩薩不相捨離爲隨自欲示
佛出世爲隨心念解佛威力爲獲圓
滿一切生中常不退轉隨行神通爲
徧遊歷一切世界爲於一切衆會影
現爲隨一切受生之處同類而行爲

恒成就不可思議大乘理趣爲欲修
行菩薩正行廣大法界盡虛空性窮
未來際一切劫數及正行數無有休
息爲大智神通發第八大願爲行乘
御不退轉輪諸菩薩行爲身語意業
不唐捐爲暫見者便得決定諸佛法
性暫聞言音便隨智證纔生淨信永
斷煩惱爲身得成如大藥王爲得身

心如如意寶爲當修行大菩薩行廣
大法界盡虛空性窮未來際一切劫
數及正行數無有休息爲不唐捐發
第九大願爲於一切諸世界中當證
無上正等菩提爲不殊異於一毛道
徧於一切諸毛道中示生出家道場
正覺轉大法輪歸大寂滅爲當現證
弘佛境界威力智慧隨於一切有情

意樂示佛出世令其所化刹那刹那
覺寂證修為刹那頃以一正覺普徧
一切法寂滅性為以一音演說法要
令諸有情心皆悅豫為示大涅槃而
行力不絕為示大智地建立一切法
為以法智神變幻通悉能徧一切
世界廣大法界盡虛空性窮未來際

一切劫數及正覺數無有休息爲引
發大乘菩薩發起第十大願唯諸佛
子初地菩薩發如是等諸大誓願諸
大勇決諸大出離菩薩住此極喜地
中十大願門以爲上首引發圓滿百
千阿僧企邪諸餘正願是諸大願以
十盡句而引發之何等爲十所謂以
有情界盡以世界盡以虛空界盡以

法界盡以涅槃界盡以佛興界盡以
入如來智慧界盡以心所緣界盡以
智入佛所行界盡以世間轉法輪智
轉界盡若有情界有斷盡者是大誓
願乃有斷盡乃至若智轉界有斷盡
者是大誓願乃有斷盡然有情界終
無斷盡此諸善根願無斷盡乃至智
轉界終無斷盡此諸善根亦無斷盡

佛說十地經卷第一

十地經卷第一

十地經卷第一

第十卷

時宗

僧海

—

四
十
三

佛說十地經卷第二

時

于闐三藏沙門戶羅達摩於北庭龍舉

譯

菩薩極喜地之餘

復次菩薩如是已發諸大誓願得甚

能心并柔軟心及調柔心成就淨信

能信諸佛正等覺者本所入行修證

到彼岸修證證諸勝地成就諸力成

滿無所畏由不共佛法不可映奪不

可思議諸佛法性引發無中無邊甚
深如來境界隨入無量如來所行信
果成就舉要言之能信一切菩薩正
行乃至佛地解釋加持

復次菩薩作是思惟諸佛之法如是
甚深如是寂靜如是寂滅如是性空
如是無相如是無願如是無染如是
廣大如是無量如是難證然復彼諸

愚異生類由墮邪見心之相續由無
明闇纏繞意識由憍慢幢高建計度
由渴愛網希求作意由逐諂誑稠林
意樂由慳嫉相應趣生處加行由貪
瞋癡積集諸業由以忿恨熾然心焰
由顛倒相應引發業用由以欲有及
無明漏所繫心意意識種子於三界

中生後有芽所謂名色俱生不相捨離
名色增長成六處聚落六處成已由互
相觸因緣有受展轉於受有所樂者增
長愛取增已成有成就此故有生老死
愁歎苦憂惱有情苦蘊如是發生離
我我所不實虛僞空無作用無動愚
鈍譬如草木如影而現然彼有情不

覺不知菩薩見彼諸有情類從大苦
蘊不得解脫爲拔彼苦引發大悲爲
欲令彼住於畢竟安樂涅槃故興大慈
復次諸佛子菩薩如是以此隨順大
慈大悲增上意樂住初地時於一切
事心無顧戀以慧希求諸佛妙智修
行大捨凡是所有一切能捨所謂財
穀倉庫等捨或以金銀摩尼真珠瑠

珊瑚貝璧玉珊瑚車渠碼碯錢物等
捨或以珍寶莊飭嚴具瓔珞等捨或
以殊妙象馬車乘輦輦等捨或以可
意寺舍園林樓觀流泉浴池等捨或
以奴婢僮僕等捨或以國土聚落城
邑王都等捨或以妻妾男女等捨或
以一切所愛之事皆悉能捨或以頭
目手足一切身分等捨如是一切所

施事中心無顧戀以慧希求諸佛妙
智皆悉能捨如是菩薩住於初地能
成大捨

復次菩薩既得如是大慈大悲大捨
意樂已爲欲救拔一切有情轉更訪
求世出世間諸利益事訪求之時心
無厭倦即得如是無厭倦性無厭倦

者於一切論得無怯弱故此菩薩於
諸論中智得成就此以如是諸論相
應應不應作善籌量智於劣中勝諸
有情所如應如宜而修正行故此世
智而得成就得世智已應時應分應
量而行以慚愧莊嚴心之相續勤修
自利利他加行由此菩薩慚愧得成
則於如是正加行中皆能出離得無

退屈及無轉易力所持性是故菩薩
堅力持性而得發生菩薩得此堅力
持已則慇懃供養承事諸佛如來及
教法中而正修行菩薩如是成就十
種淨諸地法所謂淨信慈悲惠捨無
有厭倦善知諸論善解世閒慚愧莊
嚴堅力持性供養諸佛
菩薩住此極喜地中由廣大見及由

願力現見多佛多百佛多千佛多百
千佛多百千那更多佛多俱胝佛多
百俱胝佛多千俱胝佛多百千俱胝
佛多百千俱胝那更多佛菩薩見是
如來應供正等覺已悉以廣大增上
意樂恭敬尊重承事供養奉施衣服
飲食臥具病緣醫藥諸資生具奉獻

菩薩諸妙樂具於僧伽衆而作恭敬
以此善根皆悉迴向無上菩提由此
供養諸佛如來發生成熟有情方便
以布施愛語成熟有情後二攝法未
全通達但以勝解力故而行此於十
種波羅蜜多施到彼岸而得增上餘
到彼岸隨力隨分非不修行此菩薩
如如供養諸佛世尊修習成熟有情

加行受持修行諸淨地法如是如是此
諸善根於一切智所迴向者轉更明淨
隨意堪用唯諸佛子如巧金師以鑛
性金置於火中如如燒鍊如是如是
轉得明淨隨意堪用唯諸佛子當知
菩薩亦復如是如如供養諸佛世尊
修習成熟有情加行受持修行諸淨
地法如是如是此諸善根於一切智

所迴向者倍復明淨隨意堪用

復次諸佛子菩薩住此極喜地中應

從諸佛及諸菩薩善知識所訪求請

問初地行相并得等流應無厭足成

此地支第二乃至第十地中行相并

得等流亦尔又此菩薩於諸地中所

治對治應修善巧於地壞成應修善

巧於地得修應修善巧於地支清淨
應修善巧於地地運轉應修善巧於
地地安處應修善巧於地地殊勝應
修善巧於地地得不復退轉應修善
巧於諸菩薩地清淨已乃至轉入如
來智地應修善巧唯諸佛子菩薩如
是引發諸地行相善巧始從菩薩初
地昇進無有閒憊乃至轉入第十智

地以無慙行地智光明證佛智光明
唯諸佛子譬如黠慧善巧賁主將欲
率領諸大賁侶往詣大城先未發時
訪求請問道中勝利及於道中退轉
過失道處中間勝利差別道處中間
退轉過失於道資糧作所應作從初
道處雖未發足而善了知如是乃能
到彼大城此大賁主善以如是智慧

籌量具大資緣與大資侶度險曠野
身及資侶悉免憂患乃至安隱到彼
大城唯諸佛子菩薩善巧大智資主
亦復如是若住初地於諸地中所
治對治得成善巧於地行相等流
之中得成善巧於地得修得成善巧
於地支清淨得成善巧於地地運轉

得成善巧於地地安處得成善巧於地地殊勝得成善巧於地地得不復退轉得成善巧諸菩薩地得清淨已乃至入於如來智地得成善巧是時菩薩善受廣大殊勝福德聖道資糧及善決擇智慧資糧將欲率領無量有情諸大賁侶往詣一切智智大城先未發時應從諸佛及諸菩薩善知

識所訪求請問諸菩薩地聖道功德
及從此道退轉過失於道處閒勝利
差別於道處閒退轉過失廣大福智
聖道資糧作所應作從初道處雖未
勝進而善了知如是乃能到於一切
智智大城此以如是智慧籌量具大
福慧聖道資糧將已成熟無量有情
諸大賁侶經過生死曠野險道自身及

彼有情賁侶悉免憂患乃至安隱到
於一切智智大城唯諸佛子是故菩
薩應無狀倦修行諸地瑩飾差別唯
諸佛子是名略說菩提薩埵極喜初
地趣入之門住於此者生處多作瞻
部洲王得大自在常護正法能以大
施攝取有情善巧能令諸餘有情遠

離慳垢常行大施無有窮盡諸所作
業或以布施或以愛語或以利行或
以同事此等一切悉皆不離佛作意
法作意僧伽作意菩薩作意菩薩行
作意到彼岸作意諸地作意無所畏
作意不共佛法作意乃至不離一切
行相勝妙相應一切智智作意復作
願言我當一切諸有情中爲勝爲首

爲勝爲殊勝爲妙爲微妙爲上爲無
上爲導爲將爲帥乃至願得一切智
智所依止處若樂發起如是精進棄
捨一切家屬財位歸佛聖教淨信出
家旣出家已一刹那頃瞬息須臾能
證菩薩百三摩地見百如來彼佛加
持皆能解了能動百世界能往百刹
土能照百世界成就百有情能住壽

百劫於前後際各能入百劫於百法
門能正思擇示現百身身身皆能現
百菩薩眷屬圍遶從此以去是諸菩
薩有願力者由勝願故所有遊戲或
身或光明或神通或眼或境界或音
聲或行或莊嚴或勝解或加持或所
作此等乃至余所百千俱胝那庾多

劫不易可數今時金剛藏菩薩欲重
宣此義而說頌言

若有集衆善

具修白淨法

供養天人尊

淨意樂大志

成就妙勝解

隨順悲愍道

爲求佛智慧

發此無上心

爲獲佛十力

及以無所畏

成佛不共法

救攝羣生類

爲得大慈悲

爲嚴淨佛土

爲轉大法輪

發此最勝心

一念知三世

而無有分別

種種時不同

以示於世間

略說求諸佛

一切勝功德

發生廣大心

量等虛空界

悲先智爲主

攝以方便慧

淨意樂所持

如來力無量

無礙智現前

隨順自然智

具受佛法誨

發此最勝心

佛子始發生

如是妙寶心

則超凡夫地

入菩薩正性

生在如來家

種族無瑕玷

紹諸佛聖種

決成無上覺

纔生如是心

即得入初地

志樂不可動

勤修正加行

多喜多愛樂

亦復多淨信

極大勇猛心

及多慶躍心

遠離於鬭諍

惱害及瞋恚

慙敬而質直

善守護諸根

救世無等者

所有衆德慧

此處我當得

念是極生喜

始得入初地

即超五怖畏

不活惡名死

惡趣處衆怯

由不貪著我

及以於我所

是故諸佛子

遠離諸怖畏

恒有信恭敬

常行大慈愍

慙愧功德備

日夜增善法

樂遊正法苑

無厭求多聞

思惟所聞法

遠離取著行

不貪於利養

唯引平等心

一志求佛智

緣慮十力等

修行到彼岸

遠離諂虛誑

如說而修行

常能護實語

不汙如來家

不捨菩薩學

一切智智心

不動如山王

不捨世閒事

而入出世道

以無厭足心

修覺分資糧

常恒無異念

轉求增勝道

如是法相應

名善住初地

引發大誓願

大勇決大行

願當能供養

承事諸世尊

護持諸佛法

攝取大仙道

常奉觀諸佛

修行最勝行

成熟諸羣生

往趣諸世界

嚴淨佛國土

令智者充滿

與諸菩薩衆

一心等修行

以身語意業

所作無空過

一切遇道中

一時成正覺

如是等大願

十地經卷第二

第十張

時字

無量無邊際

若有情界盡

世界虛空界

法界涅槃界

世間佛興界

諸如來智界

及心所緣界

入如來智界

世法智轉界

彼諸若有盡

我願乃有盡

如彼無盡期

我願亦無盡

如是發大願

心柔軟調順

能信佛功德

觀察諸有情

知從因緣起

則興大慈悲

如是苦有情

我今應救拔

爲救有情故	而行種種施	王位與珍寶
及以象馬車	頭目并手足	乃至身血肉
一切皆能捨	心得無憂悔	求種種諸論
其心無厭倦	善解字義趣	能隨世所行
慙愧自莊嚴	修行轉堅固	供養無量佛
恭敬而尊重	如是常修習	日夜無懈怠
善根轉明淨	如金數燒鍊	菩薩住於此
鍊治一切地	所作無障礙	具足不斷絕

譬如大賁主

爲領諸賁侶

問知道險易

安隱至大城

菩薩住初地

應知亦如是

勇猛無障礙

乃到第十地

住此初地中

作大功德王

以法化有情

慈心無損害

統領贍部洲

化行靡不及

皆令住大捨

成就佛智慧

欲求最勝道

捨已國王位

佛教中出家

勇猛勤修習

得百三摩地

及見百諸佛

震動百世界

遊行照亦令

成熟者有情

能知百劫事

入於百法門

示現百化身

及現百菩薩

以爲其眷屬

若願自在力

過是數無量

我於地義中

略述其少分

若欲廣分別

億劫不能盡

菩薩最勝道

利益諸羣生

如是初地法

我今已說竟

菩薩極喜地竟

菩薩離垢地第二

諸菩薩聞此

最勝微妙法

其心盡清淨

一切皆欣慶

悉從於座起

踊在虛空中

普散上妙華

同時共稱讚

善哉金剛藏

大智無畏者

善說於此地

菩薩所行法

解脫月菩薩

知衆心清淨

樂聞第二地

所有諸行相

即請金剛藏

大慧願演說

佛子皆樂聞

所住第二地

尔時金剛藏菩薩告衆菩薩言唯諸

佛子若是菩薩善瑩初地欲求第二菩薩智地當起十種心之意樂何等爲十所謂正直意樂柔軟意樂堪能意樂調伏意樂寂滅意樂賢善意樂不雜意樂無顧戀意樂勝妙意樂廣大意樂起此十種心意樂已則得安住菩薩第二離垢地中唯諸菩薩住此離垢地時自性成就十善業道遠離殺生棄

捨刀杖不懷瞋恨有慙有愧仁恕具足於諸有情有命之者常有慈愍利樂之心而此菩薩尚以計度於有命者不作惱害何況於他諸有情所起有情想正意思惟以麤身業而行殺害離不與取於自財位常知止足有愍不壞他世財位若物屬他有他物

想終不於此發起盜心乃至草菜不
與不取何況其餘諸資生具離欲邪
行於自妻屬常知止足不求佗妻於
屬佗女及佗妻妾親族媒定法所獲女
尚不發生貪染之心何況彼此二形
交姤或於非道離虛誑語常作實語
真語時語乃至夢中亦不能覆見忍
樂照以誑佗意出虛誑語何況故犯

離閒語爲諸有情常不破壞無惱害
故而修正行不將此語爲破彼故而
向彼說不將彼語爲破此故而向此
說於未壞者令不破壞已破壞者令
不增長不喜離閒不樂離閒不說離
閒語若實若不實離麤惡語謂所有
語蜚螫麤穢刺於佗令佗瞋恨背
面慄厲庸淺鄙惡不可樂聞聞者不

悅瞋忿所出如火燒心令生怨結意起
熱惱不可愛樂能壞自佗心心相續如
是等語悉皆遠離常作潤澤柔軟悅意
深可樂聞聞者生喜善入於心風雅典
則多人愛樂多人悅樂令心踊躍令
心悅豫能淨自佗心相續語離雜穢
語善思審語時語真語義語法語順

道理語巧調伏語有分段語隨時籌
量有緣起語乃至戲笑尚恒思審何
況故出散亂之言其心無貪於佗欲
樂及佗財位佗資具中不起貪愛不
求不願不生貪心心無瞋恚常於一
切諸有情類發起慈心及利益心憐
愍安樂心潤澤心攝益一切世間之
心永離忿恨鬭妬瞋恚常思順行仁

慈祐益性得正見隨順正道捨離種種占卜吉凶邪戒者見其見正直無諂無誑於佛法僧起定意樂唯諸佛子菩薩如是無閒無缺護持十善業道之時引發如是心之意樂有情所有險穢惡趣深坑施設此悉皆由受行十種不善業道是故我當自住正行亦勸於他住於正行所以者何若

自不能修行正行令佗修者無有是
處復作是念由現受十不善業道有
捺落迦傍生鬼趣復由現受十善業
道方有人趣乃至有頂受生差別從
此已上由慧行相修習即此十善業
道心狹劣故怖三界故闕大悲故從
佗聞聲而解了故隨聲聞行故成聲

聞乘又從此上修治清淨十善業道
非佗所引自覺悟故闕大悲方便故
悟解甚深緣起性故成獨覺乘復從
此上修治清淨十善業道由心廣大
無限量故具悲愍故方便善巧之所
攝故發大願故不捨一切諸有情故
現觀如來無量智故能成菩薩諸地
清淨到彼岸淨廣大正行又此上上

十善業道以一切種得清淨故乃至
能成諸佛十力及餘一切佛法修證
是故我今於同出離徧於一切行相
清淨出離之中應作加行

唯諸佛子菩薩轉更應如是學復次
十種不善業道以由上品積集多作
爲捺落迦因由中品故爲傍生因由
輕品故爲鬼界因害生將導於捺落

迦將導傍生將導鬼界若人中引二
種果一者短命二者多病不與取將
導於捺落迦將導傍生將導鬼界若
復人中受二種果一者乏少資財二
者共分資財於欲邪行將導於捺落
迦將導傍生將導鬼界若復人中受
生引二種果一者妻不貞良二者眷

屬不可依怙虛誑語將導於捺落迦
將導傍生將導鬼界若復人中受生
引二種果一者多被誹謗二者爲佗
所誑離間語將導於捺落迦將導傍生
將導鬼界若復人中受生引二種果
一者眷屬乖離二者多被毀訾麤惡
語將導於捺落迦將導傍生將導鬼
界若復人中受生引二種果一者聞

不可意二者言多諍訟雜穢語將導
於捺落迦將導傍生將導鬼界若復
人中受生引二種果一者言無人受
二者辯不明了貪欲將導於捺落迦
將導傍生將導鬼界若復人中受生
引二種果一者心不知足二者多欲
無厭瞋恚將導於捺落迦將導傍生
將導鬼界若復人中受生引二種果

一者常被他人求其長短二者恒被
於佗之所惱害邪見將導於捺落迦
將導傍生將導鬼界若復人中受生
得二種果一者墮在邪見二者心多
諂誑如是此十不善業道能生此等
無量無邊諸大苦蘊是故我今永離
此十不善業道於內法苑賞玩法樂

即此菩薩自善安住十善業道亦勸
於他令住其中

復次菩薩於有情所轉更發起利益
心安樂心悲心憐愍心攝受心守護
心自己心軌範心發起師心此作是
念苦哉有情墮在邪見隨邪思量順
邪意樂行於僻路稠林之中我應令
彼歸於正趣正見之道令得安住如

實法中是諸有情互相乖離違諍欺
凌常無間斷忿恨熾然我當令彼住
於無上大慈之中是諸有情心無狀
足希求佗財邪命自活我當令彼住
於清淨身語意業正命法中是諸有
情隨貪瞋癡因緣而轉常以種種煩
惱火燄之所燒爇不復訪求出要方
便我當令彼除滅一切煩惱熾火住

十地經卷第二

第十七張

時字号

無災患清涼涅槃是諸有情癡昏瞶
膜無明黑暗之所覆蔽入在廣大黑
暗稠林遠離慧明墮大暗趣趣入見
取險難之路我當令彼得無障礙清
淨慧眼能知一切法如實性不隨佗
教是諸有情馳騁生死曠野險道將
墮地獄傍生餓鬼惡趣深坑投妄惡

見邪見絀網愚癡榛梗之所覆蔽行
邪僻路喪失慧目闕大導師於非出
離想遊波旬境劫賊所擒遠離大悲
善巧導者趣入諸魔意樂稠林去佛
意樂極爲深遠此諸有情我當從彼
如是生死曠野險難救拔濟度令得
安住一切智智無畏大城是諸有情
沒大瀑流波浪淪溺入欲有見無明

瀑流汭生死駛愛河漂轉湍馳奔激
不段觀察隨順欲恚害覺彌漫身見
水羅刹之所執持趣入欲習氣洄復
旋返於中沈溺欣樂游泥洪濤漂擲
我慢灘渚無有依怙不能超越六處聚
落遠離善巧能濟度者我以大悲善
根勢力救拔令住於無災患離塵寂
靜無諸恐怖一切智洲是諸有情閑

十地經卷第二

第十八張

時字号

在於彼多苦愁惱憂隨非愛愛憎連
縛常與愁難相應隨轉渴愛械鋌之
所檢繫無明昏暗稠林覆障三界牢
獄我當令彼永離三界住無障礙究
竟涅槃是諸有情執著於我從蘊執
藏不能勝進隨順四種顛倒而行依
止六處空曠聚落被四大種毒蛇逼

迫逐五蘊怨賊之所燒害受無量苦
我當令彼住於最勝無依著處謂於
離障無餘涅槃是諸有情勝解下劣
怯弱狹小聞興無上一切智心設求
出離唯發聲聞獨覺乘意我當令觀
微妙佛法住於廣大無上道心唯諸
佛子菩薩如是隨順淨戒力所任持
善巧引發諸所作事住於菩薩離垢地

時由廣大見及由願力現見多佛多
百佛多千佛多百千佛多百千那庾
多佛多俱胝佛多百俱胝佛多千俱
胝佛多百千俱胝那庾多佛菩薩見
是如來應供正等覺已悉以廣大增上
意樂恭敬尊重承事供養奉施衣服
飲食臥具病緣醫藥諸資生具奉獻菩
薩諸妙樂具於僧伽衆而作恭敬以

此善根迴向無上正等菩提於諸如
來正等覺所以尊重心復更諮受十
善業道隨其所受乃至菩提終不忘
失由是菩薩於無量劫無量百劫無
量千劫無量百千劫無量俱胝劫無
量百俱胝劫無量千俱胝劫無量百
千俱胝劫無量百千俱胝那庾多劫

遠離慳悋犯戒垢故布施淨戒清淨
成滿唯諸佛子譬如真金置礬石中
如法鍊已離一切垢轉復明淨菩薩
住此離垢地中亦復如是於無量百
千俱胝那更多劫遠離慳悋犯戒垢
故布施淨戒清淨成滿然此菩薩四
攝法中愛語偏多十到彼岸中戒到
彼岸而爲增上餘到彼岸隨力隨分

非不修行唯諸佛子是名略說菩薩
第二離垢地也菩薩住此受生多作
轉輪聖王得法自在七寶具足有自
在力能除有情犯戒之垢善巧令彼
有情安處十善業道諸所作業或以
布施或以愛語或以利行或以同事
此等一切悉皆不離佛作意法作意
僧伽作意菩薩作意菩薩行作意到

十地經卷第二

第二十張

時

彼岸作意諸地作意無所畏作意不
共佛法作意乃至不離一切行相勝
妙相應一切智智作意復作願言我
當一切諸有情中爲首爲勝爲殊勝
爲妙爲微妙爲上爲無上爲首爲將
爲帥乃至願得一切智智所依止處
若樂發起如是精進棄捨一切家屬財

位歸佛聖教淨信出家既出家已一剎
那頃瞬息須臾能證菩薩千三摩地能
見千佛彼佛加持皆能解了能動千
世界能往千剎土能照千世界成熟
千有情能住壽千劫於前後際能入
千劫於千法門能正思擇示現千身
身身皆能現千菩薩眷屬圍遶自此
以去是諸菩薩有願力者由勝願故所

有遊戲或身或光明或神通或眼或
境界或音聲或行或莊嚴或勝解或
所作此等乃至余所百千俱胝那庾
多劫不易可數余時金剛藏菩薩欲
重宣此義而說頌言

正直柔軟及堪能 調伏寂滅與賢善
無雜無戀勝廣大 以十意樂入二地
住此成就戒功德 遠離殺生無惱害

十地經卷第二

第十一

時字

離不與取欲邪行
離惡乖離雜穢語
不貪財位常慈愍
正見直心無諂僞
離險奢慢極調柔
依教而行不放逸
地獄傍生受衆苦
餓鬼燒然出猛燄
一切皆由罪所到
我當離彼住法苑
人中隨意得受生
乃至有頂諸喜樂
聲聞獨覺佛乘道
皆因十善而成就

如是思惟不放逸

自持淨戒教佗護

復見羣生受衆苦

轉更增益大悲心

凡愚邪智不正解

常懷忿恨多諍訟

貪求境界無足期

我應令彼除三毒

愚癡大暗無纏覆

入大險道邪見網

生死曠野怨所拘

我應令彼摧魔賊

四流漂蕩心沒溺

三界禁繫受衆苦

計蘊爲宅我在中

爲欲度彼勤行道

設求出離心下劣
捨於最上佛智慧
我欲令彼住大乘
發勤精進無厭足
菩薩住此集功德
見無量佛咸供養
億劫修治善更明
如鍊真金以鑿石
佛子住此作輪王
普化有情行十善
所有善法皆修習
爲成十力救於世
欲捨王位及財寶
卽棄居家依佛教
勇猛精進一刹那
獲千等持見千佛

十地經卷第二

第三十二

時字

所有種種神通力
此地菩薩皆能現
願力所作復過此
無量自在度羣生
一切世間利益者
所修菩薩最勝行
如是第二地功德
爲諸佛子已開演
菩薩離垢地第二竟

十地經卷第二

佛說十地經卷第三

時

于闐三藏沙門尸羅達摩於北庭龍興寺詔譯

菩薩發光地第三

佛子聞此地行已菩薩境界難思議

靡不恭敬心歡喜散華空中為供養

讚言善哉大仙主慈心愍念諸有情

善說智者律儀法第二地中之行相

是諸菩薩微妙行真實無異無差別

為欲利益諸羣生如是演說最清淨
一切天人供養者願為演說第三地
與法相應諸智業如其境界為具闡
大仙所有施淨戒安忍精進靜慮慧
及以方便慈悲道佛清淨道願皆說
時解脫月復請言無畏大師金剛藏
願說趣入第三地柔和心者之功德
今時金剛藏菩薩告衆菩薩言唯諸

佛子若是菩薩第二地中增上意樂
善清淨已欲入菩薩第三地者當以
十種心之意樂作意而入何等為十
所謂以清淨心意樂作意以安住心
意樂作意以厭離心意樂作意以不
退心意樂作意以離欲心意樂作意
以堅固心意樂作意以熾然心意樂

作意以勇健心意樂作意以勝妙心
意樂作意以廣大心意樂作意菩薩
以是十心意樂作意證入第三地中
唯諸佛子菩薩住此第三地時觀察
一切諸有為行皆見無常有苦不淨
不可依怙終皆敗壞不得久住剎那
生滅前際不來後際不去現在不住
菩薩如是無倒觀察一切行時復觀

見身無有救者無所依怙與憂與歎
與惱相應愛增所繫多苦愁惱無有
停積以貪恚癡猛火熾然共衆病長
見如是已從一切行令心勝進趣如
來智即此菩薩見如來智不可思議
無等無量難得無雜無災無惱至無
畏城不復退還能救無量諸苦有情
菩薩如是見如來智無量利益見一

切行無量災患則此轉更於有情所
發起十種心之意樂何等為十所謂
孤獨無依心之意樂常恒貧窮心之
意樂以貪恚癡猛火熾然心之意樂
於有牢獄之所禁閉心之意樂常無
間斷以諸煩惱稠林所覆心之意樂
不能觀察心之意樂無善法欲心之

意樂迷失佛法心之意樂隨生死流
心之意樂失解脫道心之意樂發此
十種心之意樂菩薩如是見有情界
衆災患已發大精進作是念言此諸
有情我應救濟應令解脫應令清淨
應當拔出應令趣入應令安住應令
歡喜應令愛樂應令調伏應令寂滅

菩薩如是於彼諸行深心厭離於諸
有情興悲戀心於佛妙智見大勝利
以如來智為所依止為救有情勤修
加行作是思惟此諸有情墮在衆苦
煩惱雜染以何等道而能拔濟令住
究竟常樂涅槃即此菩薩便作是念
此皆不離以無障礙智解脫處此無
障礙智解脫不離一切法如實覺此

一切法如實覺悟不離無行無生行
慧此慧光明不離靜慮善巧決擇妙
慧觀察復此靜慮善巧決擇妙慧觀
察皆不離於多聞善巧菩薩以是善
觀察智專為訪求正法而行日夜慕
法聞法無厭玩法樂法依法靡法住
法須法怙法歸法法隨法行菩薩如
是為求佛法修正行時無有少物或

資生具或財穀倉庫而不能捨於此
終無難作之想唯於說法補特伽羅
生難遭想爲佛法故無有少分執受
外物而不能捨無少內物而不能捨
無有師長不誓承事無有少物除慢
過慢下意承事不誓受行無有身苦
而不誓受若聞佛法一四句頌歡喜

踊躍勝得三千大千世界充滿其中
大珍寶聚若聞一頌善說正法歡喜
勝得轉輪王位聞未聞法是佛所說
能引正等覺能淨菩薩行歡喜踊躍
勝得一切釋梵王等住百千劫極尊
貴位設有告言我有一句佛所說法
能引正等覺能淨菩薩行汝今若能
投極熾然大焰火坑受劇苦者當為

汝說菩薩聞已作是念言我為一句
佛所說法能引等正覺能淨菩薩行
正使火坑量等三千大千世界滿中
熾火我從梵天尚投身入況小火坑
又復我等為求佛法尚應久處大捺
落迦諸險惡趣受大苦惱況於人中
諸餘小苦而不能受菩薩發起如是
精進求正法已如其所聞而能如理

內審觀察聞正法已獨居靜處心自
決了作是思惟以正修行法隨法行
方得名為隨順佛法非但純以語業
演說而得清淨菩薩住是發光地時
為欲修行法隨法行離欲離諸惡不
善法有尋有伺離生喜樂入初靜慮
具足安住尋伺寂靜內等淨故一心

趣故無尋無伺定生喜樂入第二靜
慮具足安住於喜離欲安住於捨正
念正知有身受樂於是處所諸聖宣
說具足捨念及以正知住身受樂入
第三靜慮具足安住樂斷苦斷先喜
憂沒不苦不樂捨念清淨入第四靜
慮具足安住又此菩薩超一切種色
之想故滅沒一切有對想故以不作

意種種想故知無邊虛空入空無邊
處具足安住超一切種空無邊處知
無邊識入識無邊處具足安住超一
切種識無邊處知無所有入無所有
處具足安住超一切種無所有處知
非想非非想於非想非非想處具足
安住但為隨順法隨法行不以樂著
安足處也

復次菩薩修慈俱心廣大無二無量
無限無怨無障無所惱害徧至一切極
於法界盡虛空性諸世界中以慈普
覆一切世間具足安住修悲俱心修
喜俱心亦復如是修捨俱心廣大無
二無量無限無怨無障無所惱害徧
至一切極於法界盡虛空性諸世界

中以捨普覆一切世間具足安住
復次菩薩受用無量諸神變事震動
大地一身為多身多身為一身或顯
或隱迅疾無礙牆壁山障皆能徹過
如行於空於虛空中加趺而去猶如
飛鳥出沒於地猶若水中履水如地
身出煙燄如大火聚從身注水喻如
大雲此之日月有大神德有大威勢

以手捫摸乃至梵世轉身自在以天
耳界清淨過人悉聞人天二種音聲
若近若遠乃至蚊蚋蠅等悉聞其
聲以佗心智如實而知佗有情心所
謂有貪心如實知有貪心離貪心如
實知離貪心有瞋離瞋有癡離癡有
染離染狹小廣大無量聚散住定出定
已得解脫未得解脫有覺無覺應心細

心皆如實知菩薩如是以往心覺於
他有情作數取趣心之所念心自了
知以宿住智隨念無量諸宿住事謂
能隨念自作一生二三四五至十二
十三四五十乃至百生多百多千多
百千生成劫壞劫及成壞劫乃至隨
念無量成壞劫隨念百劫隨念千劫

百千劫俱胝劫百俱胝劫千俱胝劫
百千俱胝劫乃至無量百千俱胝那
庾多劫皆能隨念謂我宿生曾在某
處如是名如是生如是姓種族如是
形貌如是飲食如是壽量如是久住
如是苦樂從彼處沒來生此處從此
處沒往生於彼如是形貌如是言說
若略若廣諸宿住事皆能隨念以天

眼界清淨過人見諸有情死時生時
好色惡色善趣惡趣若劣若勝隨業
所行諸有情類皆如實知謂彼有情
成就身語及意惡行誹謗賢聖具足
邪見由邪見業現受因緣身壞命殁
墮險惡趣生捺落迦復彼有情成就
身語及意善行讚美賢聖成就正見
由正見業現受因緣身壞命殁當昇

善趣生於天中受諸快樂菩薩如是
以天眼界清淨過人以共形貌以共
言說見諸有情死時生時好色惡色
善趣惡趣若劣若勝隨業所行諸有
情類皆如實知而此菩薩於彼靜慮
解脫等持及諸等至隨意入出而不
由彼威力受生若見彼處速能圓滿

菩提分法故以願力而生其中菩薩
住此發光地已由廣大見及由願力
現見多佛多百佛多千佛多百千佛
多百千那庾多佛多俱胝佛多百俱
胝佛多千俱胝佛多百千俱胝佛多
百千俱胝那庾多佛菩薩見是如來
應正等覺已悉以廣大增上意樂恭
敬尊重承事供養奉施衣服飲食臥

具病緣醫藥諸資生具奉獻菩薩諸
妙樂具於僧伽衆而作恭敬以此善
根迴向無上正等菩提殷重奉事諸
佛如來於其佛所恭敬聽法聞已受
持隨分修行復次菩薩觀一切法無
有移轉亦無壞滅因緣而有而此
菩薩一切欲縛皆轉微薄一切色
縛一切有縛諸無明縛皆轉微薄一

切見縛先已除斷菩薩住是發光
地中於無量劫無量百劫無量千
劫無量百千劫無量百千那庾多劫
無量俱胝劫無量百俱胝劫無量千
俱胝劫無量百千俱胝劫無量百千
俱胝那庾多劫不積集故邪貪除斷
不積集故邪瞋除斷不積集故邪癡

除斷所有善根轉更明淨唯諸佛子
譬如真金善巧金師自手鍊治離諸
垢已稱量不減菩薩住此發光地中
亦復如是無量百劫乃至無量百千
俱胝那庾多劫由不積集邪貪除斷
由不積集邪恚除斷由不積集邪癡
除斷所有善根轉更明淨又此菩薩轉
更安忍柔和意樂而得清淨友悅美

意樂不瞋意樂不動意樂不濁意樂
無高下意樂不希有情意下意樂不
望酬報意樂無諂誑意樂不稠林意
樂皆轉清淨而此菩薩四攝事中利
行偏多十到彼岸忍到彼岸而得增
上餘到彼岸隨力隨分非不修行唯
諸佛子是名略說菩薩第三發光地
菩薩安住於此地中受生多分作釋

十地經卷第三

第十 時

天帝有自在力善化有情令離欲貪
善能救拔沒欲泥者諸所作業或以
布施或以愛語或以利行或以同事
此等一切悉皆不離佛作意法作意
僧伽作意菩薩作意菩薩行作意到
彼岸作意諸地作意佛力作意無所
畏作意佛不共法作意乃至不離一

切行相勝妙相應一切智智作意復
作願言我當一切有情中為首為勝
為殊勝為妙為微妙為上為無上為
導為將為帥乃至願得一切智智所
依止處若樂發起如是精進棄捨一
切家屬財位歸佛聖教淨信出家既
一刹那頃瞬息須臾能證百千諸三
摩地能見百千諸佛如來彼佛加持

皆能解了能動百千世界能往百千
刹土能照百千世界能成熟百千有
情能住壽百千劫於前後際能入百
千劫於百千法門能正思擇示現百
千身身身皆能現百千菩薩眷屬圍
遶此以上是諸菩薩有願力者由勝
願故所有遊戲或身或光明或神通
或眼或境界或音聲或行或莊嚴或

勝解或所作此等乃至余所百千俱
胝那庾多劫不易可數尔時金剛藏
菩薩欲重宣此義而說頌言

清淨安住厭離心 離欲無退及堅固
熾然勇健勝妙廣 以此十心入三地
菩薩住於此地中 觀行無常苦不淨
無怙敗壞不久停 遷變無住無來往

觀身無救無依怙

有憂有惱續愛憎

多苦不停或火然

與病俱有無休息

厭離三有求佛智

見彼妙智不思議

無等無量難證悟

無雜無災無逼惱

歸大寂滅無退轉

能救無量苦有情

見佛智已愍衆生

孤獨無依無救護

三毒熾然常困乏

住諸有獄恒受苦

煩惱習覆無慧目

志樂下劣喪法寶

隨順生死怖涅槃

我應救彼勤精進

將求智慧益有情

思何方便令解脫

不離處佛無礙智

斯由覺法如實理

覺由無行無生慧

慧從定發定由聞

如是思惟自策勵

日夜聽習尊重法

為聞正法起敬心

國城資具諸珍寶

妻子眷屬及王位

如是一切皆能捨

頭目耳鼻舌牙齒

手足骨髓心血肉

此等皆捨未為難
但於法師生難想
設有人等語菩薩
孰能投身大火坑
我當與汝佛法寶
聞以投之無怯懼
假使火滿三千界
身從梵世而投入
為求法故不為難
況復人間諸小苦
從初發意至菩提
其中設有無間苦
為聞法故皆能受
何況人中諸苦事

聞已如理正思惟
獲四靜慮四等至
四無量心五神通
而隨其勢而受生
菩薩住此見多佛
供養聽聞心決定
斷諸邪惑轉淨明
如鍊真金體無減
住此多作釋天帝
化導無量諸有情
令捨貪心住善道
一切專求佛功德
住此精進剎那頃
能證百千三摩地
見百千佛相嚴身
若具願力復過是

一切有情普利樂

彼諸菩薩最上行

如是所有第三地

我依其義已解釋

菩薩發光地第三竟

菩薩燄慧地第四

佛子聞此廣大行

可樂深妙殊勝法

心皆勇悅大歡喜

普散衆華供養佛

演說如是妙法時

大地海水皆震動

一切天女咸歡喜

悉吐妙音同讚歎

自在天王大欣慶
雨摩尼寶供養佛
讚言佛為我出興
演說第一功德行
如是智者諸地義
於百千劫甚難遇
我今忽然而得聞
菩薩勝行妙法音
願更演說聰慧者
後決定地無餘道
利益一切諸大衆
此諸佛子皆樂聞
勇猛大心解脫月
請金剛藏言佛子

從此轉入第四地

所有行相願宣說

尔時金剛藏菩薩告衆菩薩言唯諸
佛子若是菩薩第三地明善清淨已
欲入菩薩第四智地當以十種法明
而入何等爲十所謂以有情界思察
明入以諸世界思察明入以真法界
思察明入以虛空界思察明入以識
界思察明入以欲界思察明入以色

界思察明入以無色界思察明入以
妙意樂勝解界思察明入以廣大意
樂勝解界思察明入菩薩以此十法
明入昇第四地唯諸佛子菩薩纔得
發慧地已則由十種智成熟法長如
來家得彼體法何等爲十謂由意樂
不退轉故於三寶中不壞淨信至究
竟故觀察諸行生滅性故觀辯諸法

性不起故觀世間成壞故觀業有生
有死故觀生死涅槃故觀有情剎業
故觀前際後際故觀無性無盡故唯
諸佛子菩薩成就如是十種智成熟
法長如來家得彼體法

復次諸佛子菩薩住此煖慧地時隨
於內身住循身觀熾然精進正知具

念除世貪憂隨於外身住循身觀熾
然精進正知具念除世貪憂隨内外身
住循身觀熾然精進正知具念除世
貪憂於内受於外受於内外受亦復
如是於内心於外心於内外心亦復
如是隨於内法住循法觀熾然精進
正知具念除世貪憂隨於外法住循
法觀熾然精進正知具念除世貪憂

隨內外法住循法觀熾然精進正知
具念除世貪憂

復次菩薩於諸未生惡不善法爲不
生故生欲策勵發起精勤策心持心
於諸已生惡不善法爲永斷故生欲
策勵發起精勤策心持心於未生善
法爲令生故生欲策勵發起精勤策
心持心於已生善法爲令安住不忘

增廣倍修滿故生欲策勵發起精勤
策心持心

復次菩薩修欲等持斷行成就神足
依離依無染依滅迴向捨修勤等持
斷行成就神足依離依無染依滅迴
向捨修心等持斷行成就神足依離
依無染依滅迴向捨修觀等持斷行

成就神足依離依無染依滅迴向捨
復次菩薩修信根依離依無染依滅
迴向捨修精進根依離依無染依滅
迴向捨修念根依離依無染依滅迴
向捨修定根依離依無染依滅迴向
捨修慧根依離依無染依滅迴向捨
復次菩薩修信力依離依無染依滅
迴向捨修精進力依離依無染依滅

迴向捨修念力依離依無染依滅迴
向捨修定力依離依無染依滅迴向
捨修慧力依離依無染依滅迴向捨
復次菩薩修念等覺支依離依無染
依滅迴向捨修擇法等覺支依離依
無染依滅迴向捨修精進等覺支依
離依無染依滅迴向捨修喜等覺支
依離依無染依滅迴向捨修輕安等

覺支依離依無染依滅迴向捨修定
等覺支依離依無染依滅迴向捨修
捨等覺支依離依無染依滅迴向捨
復次菩薩修正見依離依無染依滅
迴向捨修正思惟依離依無染依滅
迴向捨修正語依離依無染依滅迴
向捨修正業依離依無染依滅迴向

捨修正命依離依無染依滅迴向捨
修正精進依離依無染依滅迴向捨
修正念依離依無染依滅迴向捨修正定依離依
無染依滅迴向捨菩薩修此菩提分法但於
一切諸有情界有悲戀故引發本願所扶持故以
大悲愍為先導故成就大慈故緣慮
一切智者智故引發佛刹諸莊嚴故
引發如來力無所畏不共佛法相好

言音故希求後後殊勝法故隨順甚
深解脫佛法所聞行故觀察廣大方
便善巧故唯諸佛子菩薩住此猷慧
地時所有微細身見等惑謂我有情
命者養育者士夫數取趣蘊界處執
所起動亂思惟伺察護持攝受畜積
著處如是一切皆悉遠離所有一切
不應作業諸佛所訶雜深所引如是

一切皆悉捨離所有應作能順菩薩
正行資糧一切如來讚美之業皆悉
受行

復次展轉爲菩薩道得圓滿故如如
方便慧所引發修諸道支如是如是
得滋潤心柔和之忍有堪能心引利
樂心無雜染心訪求後後殊勝法心

希勝智心能救一切世間之心尊重
隨順諸師長心如所聞法而修行心
又善知恩善知報恩其心調和共住
安樂質直柔軟無稠林行無誑無慢
善順語者又受教誨菩薩如是安忍
成就調伏成就寂滅成就如是忍調
寂滅成就思惟現行能淨上地諸業
之時獲大精進無有休息不雜染精

進不退轉精進廣大精進無邊精進
熾然精進無等精進無映奪精進成
熟一切有情精進善分別道精進又
此菩薩善意樂界轉更清淨增上意
樂界不遺失勝解明利善根得淨離
世垢濁斷諸疑惑無疑之性現前具
足證喜輕安如來加持而得現前無
量心意樂皆悉成就菩薩住此發慧

地中以廣大見及以願力現見多佛
多百佛多千佛多百千佛多百千那
庾多佛多俱胝佛多百俱胝佛多千
俱胝佛多百千俱胝佛多百千俱胝
那庾多佛菩薩見是如來應供正等
覺已悉以廣大增上意樂恭敬尊重
承事供養奉施衣服飲食卧具病緣

醫藥諸資生具奉獻菩薩諸妙樂具
於僧伽衆而作恭敬以此善根迴向
無上正等菩提殷重奉事諸佛如來
於其佛所恭敬聽法聞已受持隨分
修行多分於彼諸佛聖教淨信出家
於此菩薩所有意樂增上意樂勝解
平等性轉復清淨菩薩住此煖慧地
已復更無量百千俱胝那庾多劫此

之意樂勝解平等清淨而住所有善
根轉復熾然轉更明淨唯諸佛子如
巧金師以所鍊金作莊嚴具非餘未
作莊嚴具金之所映奪唯諸佛子菩
薩安住燄慧地中亦復如是所有善
根非餘安住下地菩薩所有善根而
能映奪又諸佛子如摩尼寶清淨光
輪所放光明非餘寶珠所能映奪所

放光明一切世間風水雨等不能斷
滅唯諸佛子菩薩住此煖慧地時亦
復如是非餘安住下地菩薩能所映
奪所有慧光一切魔怨煩惱現行不
能斷滅而此菩薩四攝事中同事偏
多十到彼岸中精進到彼岸而得增
上餘到彼岸隨力隨分非不修行唯

諸佛子是名略說菩薩第四燄慧智
地菩薩住此第四地中受生多作蘓
夜摩天王有自在力善化有情令其
除滅薩迦邪見能令有情安住正見
諸所作業或以布施或以愛語或以
利行或以同事此等一切悉皆不離
佛作意法作意僧伽作意菩薩作意
菩薩行作意到彼岸作意諸地作意

佛力作意無所畏作意佛不共法作
意乃至不離一切行相勝妙相應一
切智智作意復作願言我當一切諸
有情中為首為勝為殊勝為妙為微
妙為上為無上為導為將為帥乃至
願得一切智智所依止處若樂發起
如是精進由是精進一剎那瞬息須
臾能證俱胝諸三摩地見俱胝佛彼

佛加持皆能解了能動俱胝世界能
往俱胝佛剎能照俱胝世界能成熟
俱胝有情能住壽俱胝劫於前後際
能入俱胝劫能正思擇俱胝法門能
示現俱胝身身身皆能現俱胝菩薩眷
屬圍遶從此以上是諸菩薩有願力
者由勝願故所有遊戲或身或光明

或神通或眼或境界或音聲或行或
莊嚴或勝解或所作此等乃至余所
百千俱胝那更多劫不易可數余時
金剛藏菩薩欲重宣此義而說頌言
菩薩已淨第三地 次觀有情世法界
空識欲色無色界 勝大意樂能趣入
菩薩纔登談慧地 長如來家永不退
於佛法僧信不壞 觀法生滅無生起

觀世成壞業有生

生死涅槃刹等業

觀前後際無性盡

如是修行長佛家

得是法已增慈愍

轉更勤修四念住

身受心法內外觀

世間貪憂皆除遣

菩薩修治四正斷

惡法除滅善增長

善修神足及根力

七等覺支八聖道

為度有情修覺分

本願扶持慈悲首

求一切智嚴佛土

亦緣如來十種力

四無所畏不共法
殊特相好深美音
亦求妙道解脫處
尋大方便修覺分
身見為首六十二
我及我所無量種
蘊界處等諸取著
第四地中悉遠離
如來所訶煩惱雜
無義之業皆捨離
諸佛所讚清淨業
為度有情無不作
菩薩勤修不懈怠
即得十心皆具足

專求佛道無厭倦
希受灌頂度有情
恭敬尊德修行法
知恩易誨無慍暴
捨慢離諂心調柔
轉更精勤不退轉
又其意樂界清淨
增上意樂永不失
勝解決定善根增
疑網垢濁悉永離
無疑現前得喜安
蒙佛加持無量志
菩薩住此燄慧地
供那庾多無量佛
聽聞正法亦出家
不可映奪如金飾

菩薩住此具功德 以智方便修行道
不爲衆魔心退轉 譬如妙寶無能壞
多作夜摩天中王 於法自在衆所尊
普化羣生除惡見 專求佛智修善業
菩薩勤加精進力 獲等持等俱胝數
若以願智力所為 過於此數無能筭
如是菩薩第四地 所行精進微妙道
功德義智共相應 我爲佛子已宣說

十地經卷第三

第五

第四 發慧地竟

十地經卷第三